

AFGREIDD ÞINGMÁL KVENNALISTANS VETURINN 1988-89

FRUMVÖRP

Eitt frumvarp Kvennalistans var afgreitt.

Samþykkt: 1. Frumvarp um kosningar til Alþingis, í frumvarpinu felst það að íslendingar búsettir erlendis halda kosningaráttinum hér á landi svo lengi sem þeir sjálfir vilja, en þurfa aðeins að sækja um að vera teknir á kjörskrá, fyrst átta árum eftir að þeir áttu síðast lögheimili á Íslandi og síðan á fjögurra ári fresti upp frá því.

ÞINGSÁLYKTUNARTILLÖGUR:

Sex þingsályktunartillögur Kvennalistans voru afgreiddar. Fjórar samþykktar og tveim vísad til ríkisstjórnarinnar.

Samþykktar:

1. Tillaga um umhverfisfræðslu. Tillagan hljóðar svo: "Alþingi ályktar að fela ríkisstjórninni að auka og samræma fræðslu um umhverfismál í skólum, m.a. í tengslum við endurskoðun á aðalnámsskrá grunnskóla og þróun námsefnis fyrir framhaldsskóla, svo og fyrir almenning í samvinnu við opinbera aðila, fjöldmiðla og félagasamtök."
2. Tillaga um að efla kjararannsóknir. "Alþingi ályktar að fela ríkisstjórninni að sjá til þess að kjararannsóknir verði efldar og samræmdar. Í því skyni verði launamiðar og skattagögn þannig úr garði gerð að fram komi á launamiðum sem öruggastar upplýsingar um fjölda vinnustunda að baki dagvinnulaunum, yfirvinnulaunum og öðrum launagreiðslum. Jafnframt verði starfsheiti skilgreind og samræmd og þau tilgreind á launamiðum og skattframtali. Enn fremur verði settar reglur sem tryggi skil á launamiðum og réttum upplýsingum."
3. Tillaga um tónmenntakennslu í grunnskólum. "Alþingi ályktar að fela menntamálaráðherra að skipa nefnd til að athuga og koma með tillögur að

samvinnu og samþættingu tónmenntakennslu í grunnskólum og tónlistarskólum landins, með það fyrir augum að efla og auka tónmenntakennslu í grunnskólum, að koma á samvinnu milli grunnskóla og tónlistarskóla, að athuga hvernig best verði staðið að menntun kennara á þessu sviði, að það nám í tónlist, sem nemendur stunda utan lögboðins grunnskólanáms, geti í auknum mæli flust inn í húsnæði grunnskólanna, að samnýta húsnæði og kennara til að draga úr kostnaði og gera tónlistarnám aðgengilegra fyrir nemendur. Nefndin ljúki störfum fyrir árslok 1989."

4. Tillaga um setningu laga um sjálfs-eignarstofnanir. "Alþingi ályktar að fela ríkisstjórninni að beita sér fyrir gerð frumvarps til laga um sjálfseignarstofnanir sem lagt verði fyrir næsta löggjafarþing."

Visað til ríkisstjórnarinnar:

5. Tillaga um ökunám og ökuKennslu. "Alþingi ályktar að fela dómsmálaráðherra að láta endurskoða reglugerð um ökuKennslu, próf ökumanna o.fl., nr. 787 13.desember 1983, sbr. reglugerð nr. 448 31.október 1983 og nr. 116 29.febrúar 1988, með það að markmiði að settar verði reglur um starfsemi ökuskóla, gerðar strangari kröfur til ökuKennara og prófdómenda og að kunnátta nýliða í akstri verði aukin og bætt."
6. Tillaga um aðfararnám til ökuprófs. "Alþingi ályktar að fela menntamálaráðherra að koma á aðfararnámi til ökuprófs í 9. bekk grunnskóla."

SKÝRSLUBEIÐNIR

Lagðar voru fram þrjár skýrslubeiðnir sl. vetur.

Svarað:

1. Um stöðu og rekstur fiskvinnslufyrirtækja. Umræður um hana 3.apríl, 1989. Skýrsla á þskj. 359.
2. Um stöðu list- og verkmenntagreina, heimilisfræða og íþróttakennslu í skólum landsins og menntun kennara í þessum greinum. Skýrsla á þskj. 853.

Ósvarað:

3. Um framkvæmd ályktana Alþingis.

Fyrirspurnir

Lagðar voru fram 49 fyrirspurnir sl. vetur.
Þær snertu hina ýmsu málaflokka eins og t.d.
tekjur einstaklinga, einnota umbúðir, endurunninn
pappír, málefni heyrnarskertra, verð á matvælum,
fjölda atvinnulausra, kostnaðarverð raforku, náms
og kennslugögn, bann við ofbeldiskvikmyndum,
ökuferliskrá, fræðsluátak um áfengismál.

Sigrún Jónsdóttir

17.ágúst 1989